

擇

石

齋

持

集

康熙癸巳載生六齡九月所生母陸夫人見背十月大夫遊  
京師我母朱夫人無所出載二齡卽鞠于夫人于是教之就  
塾教之讀書饑寒出入雨風冰雪母心兒身以年以日戊戌  
而大夫歸乃教之爲詩大夫學舉業于陸堂陸先生講經學  
于竹垞朱先生中歲愛陸務觀詩回谿草堂之前種梅兩樹  
執蘭數盆案所常置者汲古閣初印本劍南詩集渭南文集  
也于是載之所自爲詩者積有帙

世宗憲皇帝詔天下舉博學宏詞之士雍正乙卯夏本縣府  
申載于省總督考取以入奏

皇上登極重申

前詔乾隆丙辰中外所薦士雲集京師九月

御試于保和殿而載卷不可以中選歸而境益困辛酉夫人

棄諸孤丁卯大夫捐館舍嗚呼鮮民之生不如死之久矣以學侶之相牽也復客京師已已

皇上詔天下舉經學之士朝之大臣以載入奏夫昔之所爲思竊祿以逮養也今之所應非冒才以希榮耶雖然辭則妄也

聖人在上萬物皆將有以自見矧其列黷序志科名者哉辛未議罷明年恭遇

皇太后六旬萬壽恩科中式順天鄉試

廷試成進士蒙

恩改庶吉士于是載年四十有五矣官翰林詹事者二十有二年爲侍從者十有六年伏思遭逢

聖主

鴻文彌乎宇宙固不敢自躋著作亦不敢自瘞職業且兩膺  
薦舉銖寸工夫尚冀補前之闕若持此區區其何以報我二  
人無窮之心蓋載之所負疚者非一端矣于是姑存其所謂  
詩者始丁巳嗚呼陸夫人棄不孝甫六齡重經癸巳迴想音  
容六十一年之上恨載不克承錢之先烈然猶得以縷述此  
則所爲銜哀而私幸也已乾隆三十有九年歲次甲午四月  
十日錢載書于宣南坊屋時年六十有七

四十有八年癸卯二月蒙

恩予原品休致幸歸田野五六年來僻居窮巷時復讀書嗚  
呼自少壯以來實常有慕于古人之事顧事事不能疚心非  
一豈其力之不逮心也悠悠因循蹉跎畏蕙不前蓋不足以  
爲人今病矣憊甚固知無及于自責矣八十一歲田野餘生

徒然尚荷

君恩仍次其甲午以後迄今所自以爲詩者綴于卷俯仰難言蓋莫得而惜之矣先夫人

誥贈夫人陸氏卒曰爲康熙癸巳九月廿二日迄今戊申九月廿一日七十又六年載不孝一生負疚多端其何以見于我生母也身被

高厚深恩嗚咽述此

蘅石齋詩集總目

第一卷

乾隆丁巳三十九首

附錄

雍正戊申一首

壬子一首

第二卷

戊午二十二首

己未三十二首

第三卷

庚申一百五首

第四卷

庚申三十一首

辛酉四首

壬戌二首

第五卷

癸亥四十八首

第六卷

甲子三十首

第七卷

乙丑四十三首

第八卷

丙寅八十八首

第九卷

丁卯三十九首

第十卷

丁卯三十八首

第十一卷

戊辰五十首

第十二卷

己巳六十六首

第十三卷

庚午十二首

辛未三十四首

壬申二十五首

第十四卷



癸酉四十七首

第十五卷

甲戌四十七首

第十六卷

乙亥三十一首

丙子二十七首

第十七卷

丁丑五十八首

第十八卷

戊寅五十一首

第十九卷

己卯五十八首

第二十卷

己卯五十一首

第二十一卷

己卯六十五首

第二十二卷

庚辰五十三首

第二十三卷

辛巳二十八首

第二十四卷

壬午四十七首

第二十五卷

壬午四十九首

第二十六卷

癸未四十九首

第二十七卷

癸未二十首

甲申四十首

第二十八卷

乙酉二十二首

丙戌二十七首

第二十九卷

丁亥四十八首

第三十卷

戊子二十五首

己丑三十六首

第三十一卷

庚寅二十六首

第三十二卷

辛卯二十六首

壬辰二十首

第三十三卷

壬辰四十七首

第三十四卷

壬辰八首

癸巳二十八首

甲午二十二首

第三十五卷

甲午五十六首

第三十六卷

甲午三十三首

乙未十五首

第三十七卷

乙未六十三首

第三十八卷

乙未十三首

丙申三十首

第三十九卷

丙申十二首

丁酉十八首

戊戌三十五首

第四十卷

己亥七十七首

第四十一卷

己亥二十八首

庚子二十六首

第四十二卷

庚子五十一首

第四十三卷

庚子五十九首

第四十四卷

庚子四十五首

辛丑二十首

第四十五卷

辛丑四首

壬寅五十首

第四十六卷

壬寅二十二首

第四十七卷

癸卯三十八首

甲辰二首

乙巳五首

第四十八卷

丙午十首

丁未五十五首

第四十九卷

戊申五十二首

第五十卷

巳酉一首

庚戌一首

辛亥四首

壬子五首

癸丑二十二首



擇石齋詩集卷第一

秀水錢謙益

丁巳

太液池曉望

春生暖城市日出麗臺沼從容橋上經遊息羨魚鳥溼柳金  
霧披融冰玉煙渺蓬萊滄海起河漢紫垣遶復旦近  
帝光歌衢徹天表

古琴

歲久紋斯斷材良尾不焦彈非無汲郡製或自雷霄木落高  
山石天空大海潮以之橫膝坐詎獨萬情超

雪夜

霰粒晚如米飄瞥遂無聲牕燈罔初更街柝沈三更洋洋竟

焉薄寒切寓屋身淒淒隔我夢默默思我親老梅外塾倚修  
竹中廚鄰荒雞喔喔鳴天意其爲春我行非踐地我出非干  
人悔殊昔賢讀而豈有私貧

送祝大上舍維詰之遵化

身非一酒徒金盡未歸吳況以雪風別益令書劒孤鳳凰難  
飽食騏驥有先驅明夜石門驛與君清夢俱

整陽

雲斷峯孤立天陰客早休聚林疎未葉茅店冷如秋四十泉  
難記迢遙夢與流那知今夜雨全不爲花愁

祊河渡口

費縣泉東注沂州岸北環古田猶自綠曉月爲誰彎廟立空  
腔樹村堆沒骨山南鴻高的的春暖亦知還

郟城霧

車行郟子國，懍懍月西落。非影何數入，入春吹無聲，但相掠。初連飛麴沙，旋下遮山幕。近殊渺分明，遠或加舛錯。如夜夢，瞢騰似海潮，隱約彥輔天。謾論公超市，難託羽岑鬱。律思沂涘微，茫度傾蓋失。臂交溥兮露，猶若

紅橋二首

得草將泥，越燕染雲翦。水春風廣陵城北，艇子橋影曲闌。自紅大雷小雷，不見五里十里春田山。橫碧草愁外，人在斜陽酒邊。

上巳登平山堂

餽香粥白滿市，擔疲驢獨跨來。趨趨此州此堂，復此日袷衣。

瘦影無人參謾謾萬松響白雲如水涵牆根老梅條綠萼猶  
可簪淮岑江岫好螺髻與堂上下浮青藍殘碑自畱峴首勝  
往句不負荆公慙煮茶開小亭井底泉何甘佛香氤氳流西  
寺深相探春風年年柳穆穆年少行樂我尙堪歐陽公朝中措詞  
手種堂前楊柳別  
來幾度春風又行樂直  
須年少尊前看取衰翁愁心莫值湔褻女指點飛花揚子南

### 真州二首

回首江橋幾闕詞東風翦翦雨絲絲折花對酒難尋伴一霎  
船過愛敬陂徐鉉陳公塘詩折花開直久對  
酒遠情多陳公塘一名愛敬陂

篷牕無語看潮生瓜步山低漸近城多謝寶家門外柳向人

今日作清明

劉商宿白沙洲寄常侍宅  
詩柳條垂岸一千家

### 秦淮河上二首

離門五十六所柵塘二十四航祇有青溪一曲曾見瑯琊諸

王上塚過寒食節瞻園問大功坊風箏城裏高放暖煞家家

綠楊

吳下謠云楊柳青放風箏

空記林泉第一苦留風雨相兼辛夷開後水榭乙鳥飛來盡  
簾手怕圖憐時世春燈影笑韜鈴江山不改千古生子當如  
紫髯

晚出聚寶門看桃花二首

已過長干寺不識長千里花枝殷復殷奈何雙燕子  
莫尋雲光師試上木末祠細石非瑪瑙夕陽是胭脂

登燕子磯望金陵

觀音門外春風濫磯石橫當大江立磯頭客袂吹江急岷山  
脈趨建康中脊而降翕復張雞籠覆舟鍾阜石頭孫郎作始  
江爲溝長淮羣山合沓以內向昆明秦瀆環宮流司馬劉蕭

陳與李割裂竊據悲徒爾江爲家戶淮籬樊指麾半壁誠難  
安何來興王混區夏再傳宗祏仍相殘江乎江乎吾酌汝南  
北之限吾勿與波寒野靜天收雨舉酒問天大不語江月白  
江花開庾蘭成賦千秋哀可惜春風閱霸才

觀音閣

京口爲北府姑孰爲南州大江黃花水直到閣下流

太常公墓松

井序

海鹽縣之彭城公墓在焉直穴後高阜老松一本挺立可四  
十尺無旁枝惟一枝下垂如臂及杪則仰生百十小枝四布  
如指每一小枝復生十百小枝交錯均齊葉密如鍼濃翠特  
異他松圓如輪輻大踰徑丈雍正己酉春結成鄉中稱曰松  
毬蓋百歲老人所未覩也七世孫識拜墓下敬賦

曉隴生雲碧，虬柯蔭穴尊。千枝元一蓋，正氣自靈根。列傳垂明史，遺經庇遠孫。里人知愛惜，忠孝澤長存。

璉市

綠榆村舍過，纈絲煙重風輕麥穗知。何處陰陰雙桂廟，玉簫迎送喜神吹。

元黃玠云璉市有雙桂廟，稱司徒女墮并死樹有靈，怪人家喜慶歡樂之事必祭之如喜神。

華及堂桐花歌同汪七署正筠作

清明桐始花，逾月黃亂吐。當暑碧瀟灑，晴粉墜無數。桐溪小堂畱客住，臥起婆娑一桐樹。柔條黯澹封暖煙，細朶零星蓄清露。丹山萬里仙窟殊，桐生何啻千百株。爾何落塵土，蔽此庭西隅。園丁笑等散材捨我，且絃琴鼓其下。月階碎撲太古香，凝入冰絲不能瀉。花花空勝金老榦，傷孤心秋風未盡還。秋雨滿地桐陰與草淡。

未安湖曲二首

春初有韭秋末菰湖光南北村西東寥寥獨犬吠深竹趁海

人歸斜日中

海頭驛  
爲珍海

海月初高山露微出林燈火正鳴機績麻催得纖腰織好作

感新

新涼白紵衣

里出展  
機布

艮齋石

并序

嘉定縣解之西有齋三楹壘危石於庭修竹數竿隔垣雜樹  
相覆石之色益蒼然余適來憩對旣有感於艮之義以名齋  
復爲石詠

八月元鳥歸錢子嚠城客縣齋清無對坐臥傍庭石破朶生  
靈根圓頂脫醜核龍臂努方展鰲面鰲不赤嶽崎獨無倚寂  
寞性所癖在遠固非翫惟鈍庶有積若二梧三杉又一桂一



柏縱慳萬簣當庭下半寒碧乃石兀其間敢曰流輩百藏雲  
衆竅虛被薛寸膚澤天高旣不局地厚復不踣海郭日清霜  
檐陰任蕭撼

練祈雜興五首

江干竹子過秋芟箇箇黃金碧玉嵌付與小松精刻製簪頭  
先作鳳雙銜黃金嵌碧玉簪玉嵌黃金其里語稱竹色之奇

八月最防怵露雨九月只愛護霜雲木棉花老岡身白正好  
提筐采夕曛湖海岡阜和屬謂之岡身

茅柴白酒注缸清紅翠庭花快老晴一夜雨喧沙觜縮高橋  
人賣小娘煙

白鶴南飛幾日還溫暾草色寺門閒焚香欲借如來閣臥看  
橫雲一帶山

采淘港北浪雲深蘊草浜西霜月陰四十二灣江到海故應  
泓下有龍吟

良齋曉起懷萬二孝廉光泰

落月猶在樹高城初斷磻竹光茶竈冷蟲語石欄深舊枕失  
清夢美人睽素襟芙蓉如可致露露出江潯

謁陸清獻公祠

南戒毓清粹先生今代儒緬當河津後復見伊洛徒講堂峯  
泖閒聖路開榛蕪鐵冠際

聖廟鳬舄翔高衢臣言豈中格進退恩須與生惟鄒魯系歿  
則天壤俱

憲皇初繼聖博士議允俞孔廡陪牲牢斯文良不誣舊治訪  
膠城香火遺氓趨肅肅庭松陰澹澹溪日晡歷階整冠巾儼

覲媿丈夫昂藏歲三十亦是家國軀窮達契真宰德業隆本圖初基壯且撥前迹終焉符

龍飛幸

昌運貧賤笑獨愚農賈兩不任難爲子舍娛悠悠

立思特渺渺歸恐殊寒帷缺芳藻聊用潔今吾

木棉歎

我聞木棉花傳自哀牢林邑高昌國地氣江淮本相得葉似青楓花似葵花鈴倒挂同攀枝涼秋八月白繇吐一朶半朶科頭垂科頭垂哭村姥昨日風今日雨上閭溼多草下閭溼無土花熟防風更防雨怕似鄰州去年苦去年崇明上海海波嘯人家屋頂龍鱗掉舊時閭隴種花處夜夜陰寒鬼燐照我家租種橫瀝黃沙田海陸風雨愁相煎蘇云山接海潮來海陸風雨多相煎花荒官私兩無辨蕭范不紡不織何能延黃婆廟烏泥涇天晴獻

雞酒願乞黃婆靈我田若可種稻還種麥更送春風紙錢百

夜泊崑山

疎鐘出西鹿單舸下新洋沙岸幾家月郭門今夜霜人如楓  
葉老酒對玉山涼欲按新詞句龍洲墓草長

觀李文簡公勾勒竹

神則不似似不神嘗聞子昂與仲賓只如此幅亦神足房山  
所論知何因五莖一叢森箭筈密葉秋風欲吹我雀喧翻葉  
篠覆根猶見江南鐵勾鎖薊公墨灑金錯刀溪雲之墨同時  
豪忽然舍去獨勾勒豈知公也兼相高鴻都飛白隨所使拂  
落湘煙光有斐佳人靜擁環佩音明月寒捎鳳鸞尾虛空颯  
颯鴉叉懸文蘇仙後二百年交趾竹卿那遍歷吾師臆影且  
當前

康里文忠公書柳集梓人傳墨蹟

日書三萬字可奪魏公席此卷法大令迥媚不惟迹楊潛今則亡佐藝苑百役往復讀方終明燈坐遙夕

陸先生歸自與西蒙貽陸堂易學刻本

白髮灘江返圖書滿一船貫難成獨學悟漸自中年遠徼應皆讀羣經已各鐫草堂畱數語風雪爲蕭然

題柯敬仲畫

寒崖自有骨危柯僵不刪高藤倒瓊珞借葉爲蒼顏其陰竹埽屋屋破竹更閒冥冥隱凡人讀易方憂患颺聲豈難靜生氣何終辱我心匪木石且復同其頑

穿心鏹同汪上舍上璋作

莫笑中無有懷之熱滿腔熬煎深可耐肝膽直難降園曉雪

聲竹月高松影牕微哦放翁句湍轉一條江

葺塿城丙舍

塿至元嘉禾志作于

嗚呼先侍御青衿効大璫

明思陵初先公以貢生首効魏忠賢思陵肯有青衿書生云

國亡身亦隨

萬古斯邱藏一子兩孫耐鬱鬱松柏行瓦屋得五楹歲久今無牆六齡失生母靈隱安西廂陰寒風雨夜起立痛我腸人生豈不貧所貴有扶將我身非草木天其忍枯僵支傾懼見壓邪許多驚惶塗泥塞孔漏敢曰禦冰霜悠悠歲既晏父母待於堂去府百里近拭淚歸村舡

錄舊一首

王貞女行

從父明經桐巢齋賦

湛湛吳江水有鳥名鴛鴦君家與妾家隔水遙相望十五以許君妾卽雇親喪悠悠經二閨于飛時正當媒氏命再通吉

日復辰良理我玳瑁簪綴我明月璫虛牕對朝日自作嫁衣裳何爲宵夢惡君耗來踰陰委我玳瑁簪捐我明月璫虛牕對斜日忍顧嫁衣裳鬢髻歸君門淚血上君堂撫棺棺不開白日天茫茫強起奉公姥獨侍不成行入室披君帷披帷坐君牀許君是君婦君婦爲君孀雄者殞朝露雌者守夕霜江流無時絕孤鳥永悲傷

輓詞爲朱大孝廉沛然室張孺人作

貧士婦難爲矧其無所生往歲在乙巳始我交朱兄旣聘兄婦弟同館稽稱甥我時年十八越人盟復盟襟鬲披在座一飲十日轟安知兄婦健巧炊力經營兄先桐鄉居後僦澎湖浜親喪久不葬忽忽憂患摶寒閨共蔬食反服千悲縈已西舉於鄉北上旋南征孺人顧而笑君面寧公卿屢薦理家具

我桑君且耕倒篋爲置妾冀育兒與嬰辛亥遭心疾延及今  
春正巫言陰陽術屋舍宜改更歲不利主婦首夏悔必萌中  
園霜已降手猶摘黃橙孟冬我方婚勿藥詢體輕至日我在  
臥衾來乞銘旌急走唁朱兄始塞終豈亨房遺釵與褰塵積  
布與荆鬼如無饑寒微淚乾雙睛



擇石齋詩集卷第二

秀水 錢 載 坤

戊午

聞歌

何處管悵悵離人子夜心重門芳樹碧一曲小樓深  
難定參商闊不任分明就窗月亦自有知音

溪館偶題二首

病起時風雨春來誤短長新愁渾似水不擬見垂楊  
食梅衣葛常苦海水枯桑不知春色欲尋有處少年能駐何  
時

茜涇

三月江村春正顛鵲鵲聲急路迴沿插花廟口祈蠶女打鼓

橋頭賽社船一髮遠山青  
際海如輪紅日暮生煙塘南酒旆  
吾曾記傍柳攀條又去年

茶磨山

宿雨披輕陰孤嵐出新沐  
喧萋草墅探寂寞雲村築

山為明許黃門相卿

所居雲村其自號也

疎籬一帶傾小水四周逐林穿  
溼翠交徑轉亂紅簇

巘屹不作峯塊北自成龍沙岡非蛇盤  
蘇磴實蝟縮危巔欣仰登巨石訝駢  
蠱上凸乃下凹高蹲卻低伏斜飛兩角檐寬  
拓半間屋遐企古誰僊茗戰偶荒谷雖虛轉磨聲不斷生煙  
馥中罇溜暗泉旁塊抽勁竹環收野靄遙豁對客襟獨呼童  
檢都籃就澗覓甘菊東風手淪佳勿問葛巾漉

濮院

灘空堪洗足巷小自鳴機已過挑青節垂楊冷不飛

禾俗於清明夜食蠶

蠟日  
挑青

竹雞

溪風吹雨少人行苦竹岡頭樹樹聲泥濁水深君且住斷魂  
不待鷓鴣兄

黃文節鷓鴣詩山  
雌之弟竹鷄兄

江行

九里洲何渺蕪蕪送夕聊青松時獨立白鳥必羣飛短遽涼  
初起新潮弱又歸相逢無謝客不覺後芳菲

桐廬二首

范公曾宦蹟越俗此煙濤翠借轡爲郭喧忘市在林竹樓攜  
客迥研石讀書深若問神仙宅桐花午正陰  
雨晴江淡蕩雞犬夜清佳月出下航渡燈明丁字街春纔足  
私焙暑不到官齋一舍鱸魚美狂奴故可懷

吳歌二首

青青梅子仁酸劇惟一箇同船替作飯半路防相餓  
焚香深閣裏豈不以歡故機鳴無餘絲拋卻欲何作

湖山神廟

金沙灘外雨亂溼垂楊絲荷深欲無路遂入金碧祠亭臺出  
秀樾下匯泉成池池中雙文禽飛上魚梁窺日斜遊女散天  
迴涼颿吹兩峯青忽斷濃澹雲歸時

望葛嶺

葛家丹院木搜搜嵐氣青回大佛頭等是平章軍國事數聲  
蟋蟀宋宮秋

過愚菴與朱秀才耽對月

巾子峯南麓薰禪自一家開門裏湖水供佛白蓮花露下看

天碧樓空坐月斜不須重設茗冰齒食西瓜

吳越武肅王祠

石鏡山荒歲屢更家王遺像肅朱甍蕭森錦樹秋風色帖妥  
濤江白日聲歐史世家難盡信龍門年表有公評順天不獨  
能存祀順天者存王猶仗臨安作宋京

回溪草堂集陶公句

清風脫然至仲蔚愛窮居秋菊有佳色屢空常晏如一生亦  
枯槁胡事乃躊躇披褐守長夜時還讀我書

題秋山白雲圖

獨峯見頂不見麓紙色卽雲雲半幅蒼涼天襯峯影寒動嘯  
靜喻神爲完水口無雲山腹有竹木清高一茅牖半灘風碧  
葉鳴蘆幾日霜黃絲挂柳夕嵐明滅鴉飛飛刷藥入雲人未

歸亦知雲裏生寒早  
峯後逢人更款扉

志略

志略無宅老一蟬  
條然鄉里與浮沈  
何來破甑生塵地  
乃有重門擊柝心  
十月花開春自小  
三竿日出睡方深  
不論市近邯鄲遠  
衆口焉能必鑠金

顓頊集阮公句二首

湛湛長江水登高望  
所思良辰在何許  
膏沐爲誰施歡笑不  
終晏飄飄難與期  
自非王子晉顓頊使  
心悲歲暮亦云已  
招搖安可翔孤鴻號  
外野陰氣下微霜  
採藥無旋返修容是  
我常垂聲謝後世  
左右佩雙璫

飲朱大秀才振麟書齋賦瓶中水仙

曲几疎窗聯客停  
談深方與酌湘醺  
一叢春薤玉花白  
咫尺

研山江氣青處子自來餐沆瀣天君何處折芳馨老柯實理  
休將對誰說人間忌獨醒

已未

隔湖望朱大進士沛然所居偶聞

雪意澹湖天村聲隱爨煙詩人茅屋底梅樹石闌前未試彈  
琴宰都亡坐客羶此時池上酌寒甚鷺鷥肩

滄浪亭

潑火雨過花洲新歐陽詩中尋好春章家韓家俚指塵

蘇明之云滄浪

亭子家舊與章莊敏俱有其半今盡爲韓王所得矣

高林翠阜猶然真石爲我几苔爲茵暖香

襲袂風生蘋當年一網收冠蓋

黃文節墨蹟觀秘閣蘇子美題壁詩有一網收冠蓋之句

集賢之

狂亦狼狽西陲用兵事則大同狀而攻莫予奈遂令占反拔  
茅泰堯鄧滁出諸外先生旣放吳中居幅巾小艇來徐徐

浩歌仰嘯亭不虛江東李白樂只且磨鑑不滅光有餘彼譖人者今何如

金閨雜感三首

讓王門近柳千條煙月留人暮復朝醉殺麗娃鄉裏酒驚心時上白頭橋

天水蒼蒼林屋虛包公動定比何如人間文字猶難盡嶽瀆空傳未見書

韭溪百里入江斜江雨江風自汎槎操作已將椎髻婦只休杵臼傍人家

將遊支硎華山天平諸勝先夕繫船獅子山下風雨驟作天明益橫不得登岸而賦長歌

流鶯呼人暮出亞字城徑飛艤子循山行王僚墓頭松影黑



篙背啄崖棲鸛鷺中宵新葉都作枯枝聲是雨非雨亂撲蓬  
窗櫺擁衾吹火沈沈聽溪溜正急天已明可憐溪邊五里十  
里不知何處好花樹推篷一片萬片朱朱白白浮下橋門英  
我所思兮華山天池蓮葉馨支公住處鶴亭馬磻秋暑清其  
南獨峯模糊青中有白雲一線泉琮琤靈巖之高何啻三百  
六十丈今者不見但見蒼煙橫我豈不能支竹傘兩腳緊緊  
芒屨輕又豈不能坐待風雨歇竹扛兜子舁雙丁天公無賴  
勸老生今日獨雨昨日晴今日雖雨明日晴已送歸櫂村鳩  
鳴

### 望石湖

治平寺南湖翠昏柳枝菱葉見灘痕楞伽不管無情雨一夜  
吹花落范村

九峯詠十首

鳳凰山用陶南村錦溪橋韻

檀欒修竹映迴溪  
小鳳翎梳老鳳齊  
酒店魚船重向客  
右丞參政漫含悽  
藤蟠青壁繁陰迴  
龍蟠丹泉寶氣低  
最好石橋觀月上  
一峯峯冷玉屏西

陸寶山用凌石泉原韻

樹偃荒塗黑有神  
花飛古塚杳無春  
青山一映難畱骨  
何況塵沙劫裏人

山久刻爲平陸矣

余山用陶南村同邵青溪俞山月張賓暘於余山北踰嶺訪陳孟剛韻

谿行不復逢三老  
落盡桃花又一年  
東寺夕陽西寺月  
歸來仍櫂頭船

又用董文敏公茗帚菴韻

塘轉富林通八曲塔尋秀道禮雙峯冰霜半折龍鱗樹不記  
頑仙寂寞容

細林山用吳祭酒神山夜宿贈諸乾一韻

雨細山多葉林虛磻似龍船停蘆岸蛤鳥下石樓鐘鍊蛻麤  
雲碧神鼉蘸墨濃開窗看博處疑蔭六朝松

松間  
聽琴

細林山一名神山梁簡  
文帝神山銘竹窗看博

薛山用錢思復原韻

橘刺藤梢舊亦新薛翁隱處屋堪鄰招涼自卻羅池暑不用  
當筵雪藕人

羅池在山下  
產藕甚佳

機山用陶南村機山懷古韻

有雙鴛鳥起江間數仞青山後者攀牙蕨風摧徵所忌亭臯

鶴唳歎無還  
菱僮釣侶來  
多熟水國莎  
城接更閒攜  
取平原  
村畔酒賞春  
那不雨潛潛

橫雲山用黃文節公過橫雲山渡長谷韻

何年銅水滴  
耕出墓閒門  
峯不銷春黛  
花應殢客魂  
白龍吹雨駛  
黃浦應潮昏  
儘擬鱸香候  
來空石上鐫

干山用貝清江干山夜泊韻

遠見如鍼塔  
循溪進小舟  
纍纍高士宅  
渺渺美人愁  
日赤魚難化  
天青渚自流  
龜山祠近在  
曲學悔相求

山頂有雙石魚相傳風雨化去

崑山用陸士衡贈從兄車騎韻

遠色指覆盎  
石岡鬱松林  
瑤珉產二俊  
豈不貞初心  
辨亡慨江表  
與弟棲峯陰  
吐流如一流  
譚老披幽沈  
委身匡世切  
儵望殊邦欽  
奈何三世將  
黑憶河橋深  
懷歸愴昔詠  
眺晚紆單

襟白鶴不可招惟聞谷水音

題朱賴自刻所臨王刻十三行拓本二首

碧玉鐫奚遜麻箋寫更強蟲聲秋院底卻話半閒堂  
獨處耽金石因之彼美懷漢臯空解佩誰定得良媒

題王五秀才又曾石梁觀瀑圖

元年五月應

詔我北行聞君六月追暑天台中六街赫日賣冰擊銅盞渴  
想海水未與槽溪通自放還山忽忽三秋冬每羨金堂玉室  
羲之從今晨剝啄袖出一卷水誰其遊者著屐非謝公蒼茫  
國清之寺桐柏宮五芝八桂纖草羅長松赤城標高天半曉  
絢爛紅樹枝老洞口春迷濛不知人間何處有三伏亭午溼  
衣空翠飛來濃一萬八千丈立青芙蓉臺華亭前雨洗華頂

峯奈何捫蘿不上宿其趾徒觀匹練直下龍潭衝君乎休矣  
且進琉璃鍾山中人兮六十五茅簷卻歸鄉土乃望妻子戀  
曷不一逢添縛畱孤蹤君言酌酒酌酒那知許終勝走馬軟  
踏長安紅

盧徵士存心招陪茅明經應奎張甫桑先生遊姚  
園分韻得二首復同韻各一首

初霽豁翹想秋爽尤所欣遂喚郭門舟新波汎汎中洲鬱  
臺榭蒼霞微合分涼深葭莢裔翩人鳬鷗羣扣舷行夷猶折  
華憐芳芬卻投尚書園已度重湖雲散策興多逸憩石談何  
慙慨然撫喬柯寂寞搖斜暉

孤飛雲翼倦難老霜葩佳娑娑五湖叟蕭騷九秋懷揚塵閱  
東海煉石姓女媧物虧缺常盈焉得無睽乖西河感離羣東

野喻束柴何如濠濮閒樂且

平聲

莊惠皆造物語至人屣爾

形與骸不聞雪中臥併火焦生蝸

贈明經時方有喪明之痛

盤桓簣山麓茶具呼小僮涼飈發桂樹紛藹雲氣中五岳隘

尚禽乃侈遊鴻濛行樂但及時所得卽已豐著書亦何爲適

笑虞卿窮百年酩酊送愚盡賢亦終白雲寒容容勿使空谷

空寢興隨日月天地非樊籠

贈嚴士白雲其文  
集名亦自號也

茗茗高岡梧百尺天所材亦蚌樂藏川明月瑩其胎南陔聲

有蘭北山蕪有萊于焉返初服豈不曰時哉翺涅黨昌黎亦

軋周漢才廬陵盛門下匪獨看山來代興德各努流坎斯文

該不遐小子狂姑酌臨風杯

呈先生時以膳  
部乞終養歸

孟門楫可過太行輪可登只此釣磯水魚淦難終澄時來丈

夫駕險易甘所膺嗚然妄跼伏恐取巖阿憎勲業匪苟見毛

髮寢相陵昔人所壘石昨又沙溝崩奉觴乞砭詞先路非無  
徵離離林中影不獨秋峻嶒

草堂

已荷將藹酒人招前檻風晴碧柳條一雲羅城溪口雨昏  
催買纓行橋

題朱大振麟松巖採藥圖

朱髯學道何清臞病起獨與畫者俱身不入山山夢紅蒼巖  
抹雲雲色腴石梁一徑巖陰趨泉南老松三四株株子結  
驪龍珠蕤蕤者草甘露濡荆籃手擎松下孤髯乎偃蹇大游  
戲安期偓佺非爾徒漢庭侏儒飽欲死監河不貸魚無水祇  
應米哺凶年恃神女消摩信有諸先生鏡局難逢矣窮愁窮  
愁恆自奢呼吸玉液嗤仙家夜遙祇慣然松節酒盡還休把



葛花

南湖看芙蓉同沈丈秀才運宏吳秀才嗣廣鄭孝

廉尚麟

敷容木末藹如雲  
蘭漿城南盪夕曛  
一老賦成初命侶  
何人秋盡劇思君  
頻頻玉醞臨流勸  
恰恰珠歌隔岸聞  
葭草有霜煙在柳  
不勝寒到月披紛

灌園二首

生涯惟蝗菜緩急自清渠  
落日豆籬短青天瓜架疎  
數入聲灌毋稀灌吾聞及衆園  
漠陰機可息猶恐外閒論

題陳丈明經向中西溪書屋圖

青青者蘆白者沙  
涇長港曲陂更斜  
叱牛呼鴨村不譁  
松林風細出書聲  
一縷炊煙生鮑家  
隱居老去詩篇在  
滄桑四百

溝塍改乳巢先生偶得之瓊田亦用青錢買倩人遂作西溪  
圖問君未結西溪廬笑君且復圖中居歛湖方口得其似牆  
東竈北誰相於憂天琅玕泥千箇乞借茆堂且高臥鋤園拾  
金席可割伏櫪成歌壺莫睡歲寒心事愁清尊明月當頭息  
壤存依綠軒牕尋不得水村一幅趙王孫

錢重鼎題水村圖有依綠軒記

對雪集陶句

清謠結心曲虛室有餘閒翳翳經日雪紛紛飛鳥還一觴雖  
獨進千載乃相關來遲遂蕪廢吾生夢幻間

擇石齋詩集卷第二

擇石齋詩集卷第三

秀水錢載坤一

庚申

初二夜聽雪作二首

宵聲最清慮況在風竹閒而當雪落深小閣如空山疎疎去  
方寂淅淅輕多還迴生虛牖警警墮修柯閒明釭耿相照寒  
氣不我辱西溪引遙興可覲梅花顏

堂西短土牆半壞秋霖餘南營弛官馬日來躡園蔬舊冬天  
頗暖我畦黃不除今茲獲蓋覆想見萌芽初條風卽披拂好  
把桑下鋤爲樊聊補罅及辰戒勿疎

同學諸子過飲回溪王秀才元敬彈琴

敝廬不願奢灑掃自清絕欄扶梅萼凍籬翦竹梢折誰歟吾

所黨來者客非熱危坐聲焦桐古懷面荒雪泉流漱寒遠松  
韻落虛切杳冥山靈見唱歎清廟徹是時天宇淨林端月如  
玦嗒焉隱几綦泠然御風列園景悵昏黃庭光憐皎潔諸賢  
且相住茗荈亦佳設

題自寫杏花小幀

古銅瓶插半開枝惱亂春風鬢欲欹笑問遺山元老子生紅  
何似退房時

清明後一日鴛鴦湖雨汎

絲柳亂無端隨心上木蘭千家煙乍暖一陣雨還寒流水何  
知綠飛花不待乾寄聲交頸鳥休惹玉人看

讀五代史記賦十國詞一百首

唐鼎真憐如沸羹淮南雪赤少人聲淩溪喚後蜂糖賣一笑

楊頭斫不成

英雄六六黑雲都御史官階已諱夫龍馭長安迴未得果然

心罪汴疆無

楊行密父怱遂諱大夫之夫

有道方能作盜魁乘時袞冕半憐才不見一弓當十梁更聞醉去必醒回

夜拓毬場射場突來兵諫奈支當打鐘槌嫩何堪折從此春風不屬楊

白衣化龍太不君我爲蒼鵠爾參軍赫山一昔人趨渡鐵箸灰邊大有聞

掃地元勲受禪臣勸農早布李花春江空歷歷迎鑾處樓靜匆匆誦佛身

年少彭奴故可兒龍行虎步有人知不緣挑撥燈心見自愛

秋霜上鬢絲

越師去後息紛端  
贊喜人來進二丹  
半夜金鐘發詩讖  
三更弦月駐郊壇

須菩提訝產桑中  
烏舅金奴泣曉風  
嚙指敢忘他日事  
政難料理德昌宮

儼然矚目盡清疎  
南嶽真君定不如  
且復風塵了家事  
閒拋瀑布在匡廬

淝溪土人飲香亭  
鍾阜龍盤此日青  
憐得楊花飛一句  
八閩三楚漸賓庭

春正樓雪一開觴  
絕筆爲圖勅和章  
倉曹旋貴昇元帖  
京挺方高北苑粧

高太中原轍久湮  
羣公肯作小朝臣  
好花著樹非無主  
那放

皮船入壽春

玉笙寒切小樓哀  
皺殺春池水勝苔  
便早韓郎相江左  
笑端可免唱檀來

未卽降旗出石頭  
帝秦割地盡悠悠  
解揚自致樓車命  
辛苦

忠門只姓劉

解揚訓孫晟

皖公青峭可憐山  
去去金陵幾日還  
六曲屏風遮不斷  
蔗漿情思藕華閒

一半東風吹紫袍  
鴛鴦寺主泥詩騷  
愁人供奉得三寶  
竹葉時時金錯刀

鬢染親邀醉舞斜  
外邊法曲早知差  
情滿愛語今猶憶  
風水無聲葬琵琶

待年議禮異徐潘  
亭小花深儘合歡  
憐絕已非盧屋妾  
索來

翻似出來難索得嫌來忘却家李煜時童謠謂再娶周后

五百餘年偈偶憑柳絲鶯子稅何曾天王欲問江南罪開善

夫妻正度僧

鬢側花生蝶翅黏蓮中月出戰痕纖愁他絕世工書札獨爲

君王掌萬籤

挈國何人短喙歸澄心堂自直樞機明年今日君知否摺摺

寒多淺碧衣

朱萸淚盡卻登高樓惋新腔按幾遭不道絲繩量采石子規

聲裏落櫻桃從善朝宋留之不遣悲不當製細登高文有曰嗟予季矣不歸來

無限江山夜雨夢思何苦悔遲聽一花見佛淒涼甚彌勒

尊前般若經

小劫瓊枝璧月邊舍身同泰又何年若將一曲芳儀怨唱與



秦淮倍可憐

芳儀曲鼎  
補之撰

驛走興元棧火侵御袍中有淚痕深餅師家世非忠孝難得

倉皇控馬心

十軍談笑不知他虎入西川奈八哥無敵紫旗殊跋扈年來

又凱梓州歌

星宿山高馬色騰秋風椒殿恨難勝不因玉女分明見也遣

金牀次第登

唐遺文物更翻農四部新宮化白濃任使見推騎李密堯銘

舜頌可從容

天狗如雷墮慘悽喧喧已鬪夾城雞千戈岐隴何嘗戢卻聽

居中燭艷妻

艷體煙花是性情多錢刺史亦功名瞿塘劍閣真形勢白與

王家作錦城

漢口駐軍生戰塵  
閬州搖舫繡衣新  
涼秋八月今年事  
甲

君看灌口神

緡山當面列春廚  
長夜宣華狎客趨  
豈意臨軒親策士  
直

偏擢白衣蒲

珠翠江邊忽錦帆  
市坊苑裏盡青衫  
金僊子晉誰教塑  
菊酒

嘉王只勸銜

抗顏笏記亦何求  
十在淋漓卽不愁  
王氣青城高幾許  
畫羅

裴自唱甘州

韋任蜀鴈林罕著  
十在文以進衍

罷賞槐花逕復東  
可憐回鶻隊匆匆  
鄴都未識伶人困  
酷殺

秦川驛地紅

毳子何來自太原  
牡丹新第墨畱痕  
寧期自代中門使  
卻被

西川擇帥恩

監軍死報詎殊差魚水雲龍竟不諧明詔已申樞密罪遠藩  
猶滯故人懷

榛蕪歎息永陵樵故苑東風宴府僚愆矣前車深後戒一燈  
無焰入秋宵

望杏瞻蒲席有年坤維數

入聲

震水騰川如何燈火嬉元夜

破費官家十萬錢

官體南朝意不堪官箴自作子雲參韻編且與增孫恂經刻  
端須倣鄭覃

浣花十里拓船牕島嶼樓臺似曲江此樂也勝乾德歲都人  
免爲白魚雙

城上芙蓉幕覆納江間絲管賞春饒人生幸際成都好子弟

渾忘菽麥苗

邢臺鄉里分終乖繡斧新軍枉破柴二十年來凋謝盡宮中  
始憶舊人佳

一庭五鬼任相嘲麗句花開頗費才蓉帳鴛衾何限恨擊毬  
曾過少年來

汴水高高甲第漆趙民行爲蜀民占翰林老眼滄桑再修表  
煩濡舊兔尖

朝天萬里曲無情慈母霜華兩鬢生慚愧國人相送意健爲  
灘水不春聲

一聲望帝一山紅細數春愁馬步中明月窺人人不見摩訶  
池上已西風

擁戴功名嶺海遙未應有弟絕雄梟龍川妄竊真成黠更不

梯航事僞朝

學官廣厲也生徒進士明經豈好儒文德殿頭新賦就博將

土產數斤珠

造字金輪又一新洛州刺史是鄉親龐疎煬帝宜蒙笑蛟蜃

如君嗜殺人

封王十九同日多兔絲一一吞骨何人閒勿戀好歸去石室

雲華荒翠蘿

女侍中居政事堂綠含村見鳳苞長我國幾離生地獄此花

聊喚小南強

才人參立寺人班門外人難勝內閒尙被玉皇呼太子大夫

恐未得蕭閒

勅鬪花枝內殷深露華穿苑采芳林頻頻點檢樓羅歷輪卻

還須獻耍金

廣南荔子佳復佳歲歲紅雲宴內家若箇髻邊花壓雪至今  
田際雪堆花

牢牲嶺蠻久應墟更界江南一紙書檄幸降王猶作長野狐  
泉畔夕陽疎

渤海彭城邇兩雄蘭臺差快大王風菟裘未許營衡麓老作  
湖南一令公

八牀茗葉摘山包萬戶校聲徹夜拋多暇遂開天策府人言  
長者可深交

司馬西山老不妨并畱銀葉潔堪嘗咋人獅子何勝責兵柄  
終憐廢彥章

竹肉交飛夜向闌柔腸更嬾一杯寬馬家婦憶彭家女內職

當年轉覺難

遠祖聲名建武還戰功重懾五溪蠻勒銘學士猶文藻鐵馬  
金人氣象間

塗壁砂兼抱柱龍會春園起麝香風逡巡自缺桓文業卻賜  
湘陰處士宮

衆駒喧阜囓爭黠三十郎來大義乖楊柳橋邊蠻陣列潭州  
可惜不栽槐

一鞭及腹走駢駢羊子無家本舊鄰翻笑東朝不經濟楚弓  
得失但憑人

英雄黥布亦稱豪太保司空底濫叨田野最明郎國意青裘

祇辨

蒲克切

送租勞

秦望深深瘞壁山郭公五百運方還販鹽博簞嗟無賴旁舍





風高疊雪樓

酒半吳音振席聽  
家山衣錦歲時經  
白頭鄰媼強如舊  
笑見婆畱得寧馨

嬌鳥啼山正底春  
芳風陌上扇遊塵  
花開緩緩宜歸思  
花落

番番不戀人

列子年且百歲底  
春披裘注底當也

撩淺撩清歲不虛  
赤松澗米熟何如  
亦知父老忘兵革  
樂甚西湖使宅魚

三覆居然竄白驪  
狼山又使木龍過  
印金冊玉皆無恙  
仁孝元來兩鎮多

青史骹盤六赤贏  
桓文弓矢少年名  
不應入腹錢堪怕  
已聽兒童趙得聲

讓王東府啓山窗  
兄弟安之息吹厖  
花月上元燈萬盞  
鼓聲

不隔一條江

首戴中原郡十三齒寒得不爲江南薰風門外無多路好語吹人耳自諳

坊坊酒禁獨先監寺寺銅容亦屢函妃子雷峯看總幻判官水族話猶饒

蜚蜚譏人解漸非葫蘆笑爾樣空依大梁縱未纏三帶忍把

錢塘裂一闌

左傳裂裳  
自而與之

天寵駢蕃溢斗符酒酣昆仲漫論交琵琶一曲悲金鳳只此

南飛轉舊巢

竇融決策納河西蕭郭勳賢敢竝提勸哭尙煩諸將吏幾家露刃血蒼黎

世澤龍山鎖碧雲雞魚卵殼或譌聞百五十年南渡業冬青

能似國王墳

門戟光寒十二枝潮來潮去乍開基雨風一夜甘棠港人愛

三郎白馬騎

設學賓賓致足多略如吳越罷鳴戈奈他二百六十寺金鑄

金書經佛何

雌雄朝暮只須臾阜莢當墮忽不枯父冊寶皇先受錄大羅

僊更欲何需

朝爲雄兮暮爲雌天地終  
盡兮人生幾時處重歌云

野鹿明明入郭門不勝金鳳繡霓裳清人樹底煩君看風露

多防帶淚痕

偷變重重鬼亦愁桃林鳴鼓索教休殘棋實厭輸贏局一劫

連忙殺五州

秉燭曾傳逆旅言江陵四戰殘籬藩尋思豹頸龍脣者膽力

公然有耳孫

策下西川慮不深  
繡衣拊背尙驚心  
武關幾墮將軍伏  
落照寒飈出鳳林

五州表請意縱橫  
此隊真看拔戟成  
一曲吳姬紅破束  
未因含刺罪平生

稽功山下鬼燐哀  
西北樓高楚望開  
何處金堤秋噉盡  
居人還指看花臺

朱欄戰艦俯江濤  
十伎琵琶託賞音  
莫笑尋常高賴子  
解於市駿用千金

白衣黃犢老抽身  
少監規隨也俊人  
興敗豈非關大運  
絕吭可少峽江民

沙陀家事本難支  
謬語今番郭雀兒  
不下大行成錯矣  
空餘

香火腐儒祠

木拐撻仍倚北朝是何天子且承祧傷心澤潞烏鳶啄歸去

黃驪氣不驕

儋珪撥汗總淒然大澤高山負固年非是雪消消不得赤真

人特爲春憐

宋家聽許契丹盟吳越趨朝更不名只少平盧劉節度端陽

高會太原城



葦石齋詩集卷第四

秀水 錢 載 坤一

安橋張氏宅贈德音德本兩秀才

萍池門外榆蘚石堂後桂引釣榆南陰休棋桂西霽酒肴雜  
一編燈火趨兩髻偶余蠶罷遊同爾麥秋計明朝雨卽犁自  
此力相繼陳修喻梓材旣翕詠常棣內舍各鳴機薄田先入  
稅浮雲卷圭組化日照雞毳弱冠友朱生安橋獲連袂不逮  
見舅姑而以季女妻特贈增親迎見於舅姑載之娶外舅外姑已先後歿勉勉室將家悠悠身  
及世豐年義理爲落殖愧何濟

藥曰

釜釜鉞槃外虛中百味并奚煩占小過合與號長生夜色丹  
房靜秋空玉杵聲刀圭難草創賴汝力經營

宋無名氏鬪茶圖

袷衣飛幘天清暖省帖初辭縣官管箬籠夜夜紮山姑園戶  
朝朝叫村伴吾儕小人何辛劬盍遣十二先生俱西家東家  
各本味自茶自煮嘗君餘官焙何如私焙香生揀不若水揀  
良六人且踰山谷品得一豈溫蘇家湯綠鬢小女形端相可  
憐玉雪迴心腸蠲憂者酒挾渴漿今來羣談此擅場超超塵  
緒態非野落落晷景風爲涼鬪香鬪味功論水谷簾南零斯  
可矣輸贏春草莫矜誇當日趙張方權茶

夜過吳江二首

鳴鳶船頭破鏡黃鱸香亭外玉流長葑花未老蓮心在誰叩  
晶簪說夜涼

一曲簫聲十里風松陵何處月朦朧剛腸不信詞人最眼對



青春嫁小紅

元和縣齋贈黃明府建中

古墅誰家入新符茂宰分寺鄰雙寶塔巷號十將軍綠綺鳴  
公退朱華賞夕曛當年按歌處草色似羅裵

縣解明參政丁元復宅  
宋時爲楊和王別墅

觀趙仲穆畫

遠山淺深疊隔江青不多洲沙殺江面結屋如蓋簑長松陰  
蔽之離立又一坡精心作蘆荻數筆秋聲過回颺先渡水沙  
上涼如何集賢倘汎宅與子偕婆娑

葑門口號三首

滅渡橋迴柳映塘南風吹郭不勝香湖田半種紫芒稻麥笠  
時遮青苧孃

殘雨遙天挂蠅蛛女兒裊帶兩心同荷花船好須修妮薄相

來消蕩口風

修娼薄相皆吳下謔薄語如勃

海舶魚鮮戶戶稱街頭長日賣新冰你儂莫怪我儂熱明月秋宵圓未能

立秋夜元和縣樓對月

湖山見百里欄檻垂太清颯沓涼風至徘徊皓月呈青林鬱如薺諒感梧葉驚畢逋烏尾尾啼上夫差城衆星稀可摘河漢西無聲百年閱幾文偈仄華顛明

題唐子畏畫扇

雨後鷺黃樹風前粉白人風風還雨雨各自愛腰身

西園四首

一卷山體微苔蘚臥園角一峯復一峯焉得如筍擢衆磊而小礫小礫而大礫我不暇較量蟻方以爲嶽林影何清清鳥

飛不數數掩關於此深巖礪自悠邈寫心且安坐安坐琴可學

古井深幾丈日爲物所用覆上乏高柯又失菊苗種食之甘不竭汲之清可供機心莫機心缶與甕相共東海鼃何如來觀得無恐樂歟至樂鼃口獨發涯誦

非梧桐不棲非竹實不食棲與食誠難以斯徵鳳德蕭蕭園有竹萋萋園有桐竹實幾時結桐華落向空萋萋夕陽西藹藹朝陽東徒負百尺材謂含黃鍾宮蕭蕭嶰谷姿律本豈不同三竿復兩竿盡日搖清風

有梅復有桃有棗復有栗有葵百菜主有瓜戒焚漆維菜謂之蔬維蔬秧不一青青受露紛漠漠充畦密我園半繪幽流火月過七我堂夜景閒亦漸聞蟋蟀蟋蟀聲既多不樂將奈

何

橫塘曲二首

吹瘦門前樹秋鶯坐夢中橫塘雨猶可不願橫塘風  
心寒擣衣石不得杵聲起妾面湖中花可憐照秋水

贈朱丈秀才丕襄

俯茲一切塵所不如耕桑十年關中客歸來奉母觴六甲兒  
歲周八秩母壽康琴書太傅澤屋宇桐花香山觚父乙崇寶  
齋王伯方鑑背仙不老瓦頭生未央晴窻出相娛辨證薛與  
黃八分集千文體括冰斯長一一道遊歷天風秋慨慷潼津  
西嶽廟繡嶺華清湯周宮莽無黍秦月今猶涼寶氣積書笈  
蘇文馭馬韉愛其嗜好古使我衣冠蒼緬惟大史公博極歐  
劉楊諸孫洵淹雅欲問名山藏

夜與祝大孝廉維詰坐綠溪小築集陶句

欄庭多落葉氣澈天象明雲鶴有奇翼林園無俗情未知從  
今去持此欲何成賢聖畱餘跡饑寒飽所更

九月六日侍大人同朱丈明府珙重過偶圃賞菊

二首

秋爽野懷數

入聲

竹深清境稀更來雙杖曳翻道一宵歸葉

碧蛩收語莖疎蝶曬衣籬頭滿新瓣半爲得霜肥

水石居難定尊罍性且耽詩邀明府唱鬢替老人簪向夕遷  
紅樹登高指翠嵐落英風外步能不憶城南

陳秀才經業招同王五汎舟釣鼈磯南

豔豔蓉方艸飛飛鷺忽低晚光渾赴水幽興怡緣堤醒醉人  
歸未樓臺月照齊柳根堪繫纜只怕有鳥啼

題抱鰲圖

井序

歿甫先生追述太公十八九歲居父喪哀思而傳之也太公  
小字小壽系出餘姚北宅桑僑居錢塘至今里人稱孝子者  
呼小壽伯事詳臨川李侍郎紱所撰墓表  
風騷騷廚煙淒父病不食兒煮肉糜肉糜不食父病不可醫  
廚煙淒風騷騷或見之抱鰲號孤兒分長號錢江兮滔滔天  
蒼涼北宅桑小壽伯我心惻錢江姚江兮孝子生孝子子寶  
厥鰲

五石菴觀東主泉

一路茗花馥茲山泉眼疏門深筠翠底僧老菊黃餘來者細  
誰賞湛然知有初苔痕忘久立松籟特相舒

慈相寺

山窩森峭給園開柳栗無聲滑磴苔石壁翠雲相對起野橋  
紅樹獨吟來堂頭粥飯前心記塵裏輪蹄短鬢催蹣跚也關  
蘇呂躋寒泉元傍讀書臺

觀北宋長江圖

明陸文裕跋云予嘗於京口見米元章澄心堂紙一卷有意外象此卷則規模郭熙而平遠清潤有

不遜之趣前文敏跋云此卷宜和御府所收小璽其作定爲北宋以前名手非馬夏輩所能比肩

岸夾青山趨萬里秋風壯觀橫書凡汴京昔日江爲帶趙祖  
三條一條耳江神獨帝滔滔堪見客齋隨筆百五十年江之南低回  
欲辨澄心紙小璽宣和嘆息三

王叔明山水軸

嶺橫峯側短筆皴楓栗丹黃溪上新岸欹帖石欄逐岸廬蔭  
雙松萌未換隱君緇經坐若忘凡有龕佛爐無香小童研墨  
洗臨水橋外何知來客履護居風吹舍北梢垞南水隔尤蕭

蕭難於鈎勒葉分簇玉立涼多聲在目黃鶴之家吳之西歛  
空故寫湖石低崔甥鄉里錢塘近青弁雲林各成隱無錢買  
山儂自嗟老殺紫藤秋不花

此補至正八年秋爲表甥崔顯畫叔明有青弁隱居圖又嘗爲彥卿圖雲林小隱紫藤花落

烏州呼其自題句也

### 項易菴山水冊

連雨沈綠楊洲平水草長山雲弱成嬾春盡如梅黃無人渡  
口亭有園蠶候桑遠樹昏不辨低橋滑何妨吾師偶然值釣  
艇隨心將搖搖風影澹落落溪聲涼飲河而執杓濡足以塞  
裳丈人自江上吾亦憐吾鄉

### 王石谷洞山圖

萬綠低迷煙氣軟吳天是月蠶初繭村深誰與問陶坑澗淺  
遙知來白峴赭黃一座洞山明風俗藝茶茶遍生園開立夏



到嘉客煎水寫山何限情

石谷以茶事集桃溪山莊

鄰州茶事無過此紗帽

棋盤各清美諸芥雖矜羅

芥先向陽風露茲山專石寒土沃

三百尺不見新柯點葱碧茶天正好晴無雲上山采摘朝露

紛翁行呼兒黃蔑簍婦笑挈女青布裙斷芽用指弗如甲茶

樹層層沒腰恰早應先摘晚須留大葉猶枝別方法山根箭

箬夾澗興澗石人過亦有僧澗南老樹陰連畝遮隔小秦王

廟後廟前樹下買茶人簪籠分將坐成耦日光已照山後山

大家停采知來還要渠檐際速蒸焙著我碗面開襟顏蕙花

香處遊難遂秋采仍聞更風致凝思比歲澗東西竹裏何人

聽松吹竽崖辛苦今代無佳山當不憂茶租

懷陳丈向中婁東

百寮峯頂暮霜清左盼吳江落雁橫詞伯弁園蕪水石黨魁

復社厭聲名難譬井氏南陽篋欲寄劉公下若航憶否桐溪  
聚寒影紙牕燈火達雞鳴陳文近仿吳氏編書目

辛酉

清遠堂古梅

吳興會稽古梅夥我往聞諸石湖仙石湖亦買武康本今我  
自泊餘不船一枝未見見見峯碧玉塵橫斜勝梅格玉山名臘前  
記說蔡家花溪友敲門導生客牆陰半畝鹿角鼠尾梢萬花  
平視纔及人身高豈知寒光中間慘裂鐵骨一倒臥肆突十  
丈雙瘦蛟輕陰面齊仰南谷說可嘲急風心半側頗笑薺齋  
描求伸於屈誰玉女局踏階砌春無慘主人爲言百年事大  
雪宵昏壓垂地壁山欵遭掌破竹頓成勢厄甚羣陰仗一陽  
抱來白壁呼蒼帝竝言結實青青時攀摘恐踢童兒摧篠竿

擊使盡不惜千玫瑰繇來獎護要有策寶物詎聽神扶持盤  
陀淨拂苔紋坐短帽何妨簪數朶縱虛琴鶴尙餘茶明月今  
宵定畱我嗚呼此樹不獨吳興無安得舜舉爲作觀梅圖

### 白雀寺

蘆芽桑已葉打槩龍溪晴風和煙正暖到岸中田行澗橋接  
松徑數里蒼雲橫雲陰繡菜豆泉竹時相聲池光寺門內殿  
腳蓮峯擎傳經與報身幾劫綿流更後亭收太湖愈上每空  
明迢迢一氣擁隱隱諸嵐生南檐俯州城紺塔撐飛英道場  
意孤特遠漾瀾山浮鮮晶殷紅摘野卉下步荒坳清碧巖高  
不及回睇霄崢嶸

### 道場山

小艇捷若飛明湖暢延眺港深登麓近一岡扼其要左峯抱

陰森澗落林竒篠石坦爲塢田田盡峯立峭門中池有蒲佛  
面嬾迴照閣邊鳥語頻蘇蹟不藜藿少東薛磴陟絕頂塔光  
耀環觀融結姿百里實清妙伏虎洞有無巨石壓巔巔旁多  
古題名歲月安可料下山飲村醪欲醉轉成笑孤襟莫與諧  
道味略咀噍

題蔡叟竹寒沙碧山莊圖

林亭生絹素牕几動嵐翠微茫一壑開結構十年事石橋村  
口滑簞逕礪邊邃森森草堂擁藹藹松樓闕岷梅三百本桃  
李儼相次踟躕催春歸鴉舅見霜醉摩霄海紅花圍抱特靈  
異恆河凡幾劫曲轅乃孤寄英溪清蜿蜒石城雄鼎巖雲烝  
曉光白雷礚秋聲駛後園一髻青高頂肆遐跋山人日堅坐  
身世兩無累揆余隔郊郭覽俗厭肥膩披茲幽境選邈使素

心喟提壺夏果熟乘筏南風利垂釣兩龍潭上有坡公字

雲

壬戌

三月五日先孺人生日痛成

籠翮思飛孰與哀哺雛未反母先摧茫茫縱使重霄徹杳杳  
難將萬古迴廚下米薪如手辨

蒲克切

堂前風雨莫花開讀書

兩字從頭誤直悔男兒墮地來

吳興客夜

東武亭西水館孤一燈形影不模糊思親淚盡還思子聽樹

心殘更聽鳥

次子鴻錫八齡讀五經  
將畢而以七月四日夭

堉石齋詩集卷第四